

Պարբերականի առաջին երկու համարների պատրաստման ընթացքում մենք կարիք ենք զգա -
ցել ստանալու արագ և ճշգրիտ տեղեկություններ հանրապետության մաթեմատիկական կենտրոննե-
րից: Հրավիրում ենք բոլորին անմիջական համագործակցությանը:

⊗**ԺԱՄԱՆԱԿԱԳՐՈՒԹՅՈՒՆ**⊗ Սույն թվի հոկտեմբերի 1-ին կայացավ հորհրդի նիստը, որտեղ
քննարկվեցին հետևյալ հարցերը՝ ա) միջազգային կապերի հաստատման խնդիրներ, բ) հանրա-
պետության ուսումնական հաստատությունների մաթեմատիկական ամբիոնների վիճակը, գ) ՀՄՄ պաշ-
տոնական "Armenian Mathematical Journal" պարբերականի հիմնադրման խնդիրը, դ) ՀՄՄ
հովանավորության տակ մասնագիտական սեմինարների աշխատանքի կարգը: Նշված բոլոր ուղղու-
թյուններով ստեղծված են ժամանակավոր հանձնախմբեր:

⊗**ՏԵՂԵԿՈՒԹՅՈՒՆՆԵՐ**⊗ Սույն թվի նոյեմբերի 20-ին ՀԳԱ նախագահությունը հաստատեց մեր
Միության նախագահ պրոֆ.Ա.Թալալյանին Մաթեմատիկայի ինստիտուտի տնօրենի պաշտոնում:

*"Տեղեկաթերթ" ի նախորդ համարում հիշատակվեցին մեր մաթեմատիկոսների մասնակցու-
թյամբ "Teubner" (Գերմանիա) հրատարակչությունում հրատարակված մենագրություններ: Հարկ է
նշել, որ այս բոլոր գրքերը լույս են տեսել պրոֆ.Ռ.Համբարձումյանի աջակցությամբ: Լի-
նելով հրատարակչության խմբագրության անդամ, պ.Ռ.Համբարձումյանը պատրաստ է դիտարկել և
ներկայացնել հրատարակչությանը արժանի ձեռագրեր:

*Հայկական հանրագիտարանը պատրաստվում է հրատարակել ֆիզիկա-մաթեմատիկական տեր-
մինների բառարան: Ենթադրվում է կազմակերպել Միությանը ուղարկված մաթեմատիկական մասի
բառացանկի բաց քննարկումը (մանրամասությունների համար դիմել ՀՄՄ-ի գրասենյակ):

⊗**ՇՆՈՐՀԱԿԱԼՈՒԹՅՈՒՆՆԵՐ**⊗ "Տեղեկաթերթի" նախորդ համարի տպագրանակի կեսը ապահով-
վել էր Մաթեմատիկայի ինստիտուտի աջակցությամբ (գիտական քարտուղար՝ պ. Բ.Բատիկյան):

*Առաջին նիստի ժամանակ սեփական նախաձեռնությամբ ակուստիկ համակարգ է տեղադրել
և բարձր որակով սպասարկել ԱՐԼԵՎ փոքր ձեռնարկության համանախագահ պ. Ա.Մովսեսյանը:
Շնորհակալություն ենք հայտնում բոլորին:

⊗**ՀԱՅՏԱՐԱՐՈՒԹՅՈՒՆՆԵՐ**⊗ Նոյեմբերի 26-ին (երեքշաբթի), ժ.18.30 նշանակված է ՀՄՄ
ընդհանուր գիտական նիստը: Զեկուցող՝ պրոֆ. Նորայր Ենգիբարյան (Բյուրականի աստղադիտա-
րան):

**ՖԱԿՏՈՐԻԶԱՑԻԱՅԻ ԽՆԴԻՐՆԵՐ ԻՆՏԵԳՐԱԼ ԵՎ ԴԻՖԵՐԵՆՑԻԱԼ
ՀԱՎԱՍԱՐՈՒՄՆԵՐԻ ՏԵՍՈՒԹՅԱՆ ՄԵՋ**

*Հաջորդ նիստում, դեկտեմբերի 17-ին նշանակված է պրոֆ. Նապարեթ Թովմասյանի (Պո-
լիտեխնիկական ինստիտուտ) զեկուցումը:

**ԵԶՐԱՅԻՆ ԽՆԴԻՐՆԵՐ ԸՆԴՀԱՆՈՒՐ ՏԵՍԱԿԻ ՄԱՍՆԱԿԻ
ԱԾԱՆՑՅԱԼՆԵՐՈՎ ՀԱՎԱՍԱՐՈՒՄՆԵՐԻ ՀԱՄԱՐ**

Հրավիրվում են ՀՄՄ բոլոր անդամները:

*Մեր Միության անդամ, կիրառական խնդիրների մաթեմատիկական մոդելավորման և ծրա-
գրավորման բազմամյա փորձ ունեցող մասնագետը փնտրում է աշխատանք: Մանրամասությունների
և առաջարկությունների համար դիմել ՀՄՄ գրասենյակ:

⊗**ԳԻՏՈՒԹՅՈՒՆ**⊗ Հիշեցնում ենք, որ այս տարվա անդամավճարը (35 ռ) կարելի է
մուծել Միության ատենապետ պ. Կ.Օհանյանին (համալսարան, հավանական, տեսության ամբիոն):

⊗**ՀԱԿԵԼՎԱԾ**⊗ Այս համարից սկսում ենք հրապարակել ՀՄՄ-ին դիմող և հորհրդի կողմից
հաստատված անդամների ցուցակը (ըստ ներկայացված դիմումների ժամկետի): Տվյալների փո-
փոխությունների դեպքում խնդրում ենք տեղեկացնել ՀՄՄ-ի գրասենյակ: